

# 36019475. CSIFC03. MP0618. Empresa e iniciativa emprendedora

**XUNTA DE GALICIA**CONSELLERÍA DE CULTURA, EDUCACIÓN  
E ORDENACIÓN UNIVERSITARIA

Páxina principal ► Os meus cursos ► Formación Profesional a Distancia ► Curso 2016-2017 ►  
36019475 IES de Rodeira ► CSIFC03 Desenvolvemento de aplicacións web ►  
125\_36019475\_ZSIFC03\_MP0618\_A ► Unidade didáctica 1 ► Tarefa para a UD01.

## Tarefa para a UD01.

### TAREFA UD01

#### Enunciado:

A tarefa que vas realizar nesta unidade de traballo consta das tres actividades:

- 1.ª actividade. Observando a competencia “Unha para todos... e todas para unha”. Nesta actividade imos observar que fan outras empresas do sector, a nosa posible competencia, co obxectivo de aprender delas. Seguro que podemos descubrir moitas pistas que nos resulten útiles.
- 2.ª actividade. Seleccionando unha idea de negocio. Nesta actividade, imos traballar sobre algunhas ideas de negocio, coa finalidade de seleccionar unha delas e de comezar despois a desenvolver o plan de empresa.
- 3.ª actividade. Elaborando o plan de empresa. Comezaremos a realizar o plan de empresa nos puntos que teñen relación cos contidos da unidade.

#### **ACTIVIDADE 1. OBSERVANDO A COMPETENCIA “UNHA PARA TODOS... E TODAS PARA UN”**

Imos construír un directorio de empresas no que incluiremos algunhas informacións relevantes sobre como funcionan, os servizos que ofrecen etc. Tamén é importante que acheguemos unha valoración persoal (que impresión nos produce, que nos gusta, que nos desgusta...). O obxectivo é que ampliemos o noso coñecemento sobre as empresas que funcionan no noso sector de actividade.

Como o imos facer?

1. Explora utilizando internet e selecciona polo menos unha empresa do teu sector.
2. Entra na base de datos denominada “Observando a competencia” e cubre a ficha cos datos que se che piden.
  - Nome comercial.
  - URL: enderezo da páxina web da empresa (<http://www.loquesea.com>). É conveniente que a copies do navegador, así evitarás erros mecanográficos.
  - A. Servizos que ofrece: realizar unha enumeración dos servizos ofrecidos pola empresa.
  - B. Necesidades que cobre aos seus clientes: facer unha enumeración das necesidades que lles cobre aos seus clientes.
  - C. Boas prácticas. Expresa aquí a túa opinión persoal sobre:
    - a. Que ideas che resultaron útiles?
    - b. Que aspecto do negocio destacarías, o prezo, a calidade, a confianza...?
    - c. Que é o que máis che gustou?
    - d. Utilizarías os servizos desta empresa?
  - D. Valoración persoal. Igual ca no caso anterior, o que interesa é a túa opinión sobre estes aspectos:
    - a. Que imaxe che transmitiu a web?
    - b. Que lle sobra ou que lle falta a este negocio?
    - c. Ocorréselle algo para melloralo?
3. Unha vez que envíes o teu rexistro, terás acceso aos rexistros enviados polo resto de compañeiros e compañeiras, seguindo o lema dunha para todos...e todas para un! Se te animas, podes enviar máis dunha ficha.

#### **ACTIVIDADE 2. SELECCIONANDO A IDEA DE NEGOCIO**

O proceso de traballo será o seguinte:

1. Xerar 2 ou 3 ideas de negocio. Revisa a unidade de traballo para lembrar de onde podes sacar ideas.
2. Describir brevemente cada unha das propostas: servizos e principais características.
3. Avaliación e comparación das propostas a través da matriz de valoración.
4. Conclusión: selección da idea de negocio.

### ACTIVIDADE 3. ELABORANDO O NOSO PLAN DE EMPRESA

Para chegar a elaborar un plan de empresa completo relacionado co sector produtivo, en cada unidade de traballo irás facendo a parte do plan que se relacione cos contidos estudados. Nesta ocasión, debes completar os seguintes datos do teu plan de empresa:

1. Describir a idea de negocio que vas constituír.
2. Presentar os promotores do negocio, recollendo os seus datos persoais e profesionais máis relevantes.
3. Identificar os obxectivos que pretendes lograr no teu negocio.
4. Definir as posibles estratexias que vas seguir.

**Criterios de puntuación:** (Total 3 puntos -30% da unidade-)

A cualificación final da tarefa calcularase sobre 3 puntos, e a ponderación de cada actividade é a seguinte:

- 1.ª actividade: 1 punto.
- 2.ª actividade: 1 punto.
- 3.ª actividade: 1 punto.

#### Actividade 1

A puntuación total desta primeira actividade é de 1 punto, de forma que cada apartado ou campo que ha de cubrir o alumnado (A, B, C e D) vale 0,25 puntos cada un.

Os criterios de valoración son os seguintes:

- Realización da tarefa.
- Grao de implicación na realización.
- Adecuación aos contidos do tema.

#### Actividade 2

A puntuación total desta segunda actividade é de 1 punto, e queda repartida da seguinte maneira:

- Descrición das ideas: 0,50 puntos.
- Avaliación das ideas: 0,25 puntos.
- Conclusión: 0,25 puntos.

Os criterios de valoración son os seguintes:

- Entrega da actividade.
- Grao de implicación na realización da actividade.
- Adecuación aos contidos do tema.
- Número de ideas de negocio buscadas: mínimo 2 e máximo 3.

#### Actividade 3

A puntuación total desta terceira actividade é de 1 punto, e queda repartida da seguinte maneira:

- Descrición da idea do negocio: 0,25 puntos.
- Presentación dos promotores: 0,25 puntos.
- Identificación dos obxectivos: 0,25 puntos.
- Definición das posibles estratexias que vas seguir: 0,25 puntos.

Os criterios de valoración son os seguintes:

- Entrega da actividade.
- Grao de implicación na realización da actividade.
- Adecuación aos contidos do tema.

**Actividade 1**

- Acceso a internet para obter a información.
- Acceso á plataforma na que se situará a base de datos para cubrila.

**Actividade 2**

- O documento ficha de traballo: selección da idea de negocio.
- Aligazón ao documento.
- Fontes de información e consulta: os contidos da unidade e os recursos achegados nela.

**Actividade 3**

- Ficha: elaborando o noso plan de empresa.
- Aligazón ao documento.

**Consellos e recomendacións:****Actividade 1**

- Realiza a actividade cando teñas unha visión xeral da unidade.
- Redacta os campos da base de datos de maneira breve e concisa.
- Analizar os negocios da competencia é unha estratexia moi útil para aprender do que fan outros. Utiliza este traballo para ir perfilando a túa idea, non o fagas mecanicamente e, aínda que aquí só che pidamos que cubras un rexistro, visita e explora varios negocios e selecciona os mellores.
- Cubre os campos da ficha na aplicación informática e os datos introducidos pasarán a formar parte da base de datos automaticamente.
- O alumnado que non achegue ningunha ficha non terá acceso á base de datos. Con tan só un rexistro, terás acceso a todos os rexistros que fixesen os teus compañeiros e compañeiras.
- A actividade debe estar realizada antes de comezar o estudo da seguinte unidade (a dúas) para que a base de datos poida ser consultada durante todo o curso.

**Actividade 2**

- É importante realizar coidadosamente esta actividade, a idea que seleccionas será a que se desenvolva no teu proxecto empresarial.
- Para xerar ideas, o mellor é deixar voar a imaxinación, non autocensurarse. Será no proceso de valoración cando veña a análise racional, pero antes hai que lle dar renda solta á creatividade. Anota todo o que se che ocorra, e despois selecciona as 3 ou 4 mellores ideas.
- Procura ser realista na selección, non expoñas proxectos excesivamente complexos ou que requiran grandes investimentos.

EIE01\_PlantilladeTrabajo\_IdeaNegocio.zip

**Actividade 3**

- Ao describir a túa idea de negocio, trata de detallar con claridade a que se vai a dedicar a túa empresa. O negocio debe estar relacionado co sector do ciclo formativo que estás a estudar.
- Para presentar os promotores, sítete da información que contén o teu currículo e destaca posibles experiencias e logros profesionais relacionados co sector do teu futuro negocio.
- É importante que sexas realista ao fixar obxectivos e estratexias de negocio, podes diferenciarlos no curto prazo e no medio prazo.

EIE01\_PlantilladeTrabajo\_PlanEmpresa.zip

**FORMA DE ENTREGA**

Para a entrega desta tarefa procederase do seguinte xeito:

**Actividade 1.**

Entra na base de datos da Actividade 1. Observando a competencia, e incorpora os apartados correspondentes seguindo as indicacións anteriores.

**Actividades 2. e 3.**

Entra en cada unha das tarefas indicadas (Actividade 2. Seleccionando a idea de negocio e Actividade 3. Elaborando o noso plan de empresa) e incorpora o arquivo cuberto cos datos que se indican nas instrucións. O nome do arquivo terá o seguinte formato:

- apelidos, seguidos do teu nome, separados por guión baixo.
- o número de unidade (UD01), e

Exemplo:

**apelido1\_apelido2\_nome\_UD01\_act2**  
*nunes\_garcia\_sergio\_UD01\_act2*

Asegúrate de que o nome non contén a letra ñ, nin acentos, nin caracteres especiais, e envíao á plataforma a través do formulario que se encontra ao finalizar cada unha das actividades.

## Estado da entrega

Estado da entrega	Esta tarefa non require que entregue nada desde a Rede
Estado das cualificacións	Sen cualificar

### NAVEGACIÓN

Páxina principal

● A miña área persoal

Páxinas do sitio

O meu perfil

Curso actual


125\_36019475\_ZSIFC03\_MP0618\_A

Participantes

Distincións


Xeral


Unidade didáctica 1

 Orientacións para o alumnado. UD01.


 UD01. A iniciativa emprendedora.

 UD01. Versión imprimible.


 Actividades presenciais da UD1 na titoría colectiva.


 Foro para UD01.


 Mapa conceptual para UD01.

 Cooperativismo e emprendedorismo

 Exemplos de emprendedores


 Empresas no Cluster TIC-Galicia

 Novas profesións no mercado laboral


 Ideas de empresa

 **Tarefa para a UD01.**

 Actividade 1. Observando a competencia

 Actividade 2. Seleccionando a idea de negocio

 Actividade 3. Elaborando o noso plan de empresa

 Exame da UD01 (autoavaliación)

 Cuestionario da unidade 1

Unidade didáctica 2

Unidade didáctica 3

Unidade didáctica 4

Unidade didáctica 5

Unidade didáctica 6

Unidade didáctica 7

Unidade didáctica 8

Os meus cursos

- Administración do curso
- Configuración do meu perfil



